



AFRIKA OTALI KONENENE ETULO-MIILONGA LYOKATOKOLITHO 435

Omukalo niinima nkene tayi ende pethimbo lyokatokolitho kligwanahangano ke li miilonga, okufala memanguluko lya-Namibia, osha landulwa nuutalambambi kOongeleki dhomuAfrika, osho wo dhimwe muuyuni, osha tumbulwa komumbisofi Kleopas Dumeni sho a galuka koshigongi shomasiku gahamano ku-Cameroon, muAfrika.

Mekundo lye kaanashilonga pamwe naye pombelewa yOngeleki pOniipa, omumbisofi okwa tumbula iitsa yimwe pafupi ya li melandulathano lyiikundathanwa yawo nokwa ti. Omeho giilongo yaAfrika otaga ligamene kuNamibia ga tale nkene tu uka kemanguluko, noyi ilongekidha okukwatha. Shoka ashike sha pumbiwa, otu monike tse yene nkene twi itula mo melongekidho lyemanguluko lyetu.

MuYaounde shomuCameroon, omwa ningilwa oshigongi shoongeleki oonkwaLuther dhomuAfrika, unene ndhoka dhi li iilyo yOngongahangano yaAkwaluther muuyuni (LWF). Oshigongi osha li tashi ningi omalongekidho goshigongi shaayehe shehangano ndyoka, shoka tashi ka kala kuCuritab shomuBrazil 1990.

Unene aakalelipo yOongeleki miilongo niilongo mboka taa ka tumwa koshigongi shokuCuritab, oyo ya kala moshigongi sha liwe kusho ngashingeyi pamwe niilyo yongundumpitithi yOngongahangano yaAkwaluther, moka omumbisofi Dumeni naye e li wo oshilyo.

Omumbisofi okwa holola oshipalanyolo shOshigongengeleki shehangano ndyoka omumvo tagu ya, kutya otashi ka kuthwa mu Ex. 3:7, moka tashi leshwa. "Omuwa okwa ti; Onda mono nkene aantu yandje taa hepekwa mu-Egipiti, ondu uvu taa kugile emanguluko kaapiki yawo, onda tseyo omahepeko gawo agehe."

Otwa kundathana wo iinima iinene mbyoka ya ninga omukundu muAfrika, ngaashi ondjala noongunga neindjipalo lyaafadhukipo." Iinima mbika otwa li wo tatu kongo ondjila tu mone shoka tashi yi eta, nonkene tashi vulu okukandulwa po," osho omumbisofi a tumbula ashike pafupi nokwiindila ombili, kutya ita ka ndjandjukununa iikundathanwa mbyoka.

Ombelewa ndjoka yEhangano lyAakwaluther koGeneva, otayi ningi omalongekidho okweeta po uupe momutungilo gwelelo lyehangano. Oshinima shoka osho wo shimwe twa kundathana notashi ka tsikila sigo okoshigongi shaayehe shomumvo tagu ya, osho omuwilingeleki a ti.

Kombelewa yOngongahangano nako okwa zile osheendo mewiliko lyaAmushangandjayi dr Gunnar Staalsett. Yamwe yaanamblewa mboka oya kala aayetipo yiipopiwa yomoshigongi. Ya li ya kalele po Ongeleki yetu, omulongi Feni Kaapanda, omusita Josafat Shanghala nomuteologi Hilma Tshilongo-Pauly.

Sebulon Ekandjo



Omumbisofi K. Dumeni

Meme Rebekka Shikongo, Okaku, okwa papata uutékulu we mboka a taamba omasiku ngaka pamwe nooyina. Omunwayina Filippus Shikongo, okwa thigile egumbo lyawo kOkaku sho a taaguluka. Sho a thiki mOwambo okwa kundana kumunwayina Rebekka kutya aakuluntu ye oya tembukila kOmuthiyagwiipundi. Oku na oyendji inaa adha we omagumbo gawo ngaashi ye ga thigile. Ehokololo tala ke pandja eti 4.

Aafadhukipo 4,415,000 ovomuAfrika

Oopelesenda 25 (25%) dhomwaalu aguhe gwaafadhukipo 14,000,000 muuyuni, otadhi adhika muAfrika. Aafadhukipo yomuAfrika oya holoka po unene okuza 1960, sho pwa tamekwa iita yekondjelomanguluko miilongo mbyoka. Konima omwaalu ogwa indjipalekwa koontamanana pokati kaaleli yiilongo mbyoka ya manguluka sho taa kondjele iipundi. Omayooloko gopalongeloitaalo, gopapolitika, gopamihoko nenge oluhindo kuuthemba womuntu, oyo yimwe ya gwedhele omwaalu.

JULI 30, 1989

Oshi shi tuu okutiwa ohole?

Oku na Aaluudhe muNamibia taa monika ye holike nawanawa momemo gepangelo lya SA. Omuntu oto ipula, kutya ohashi zi naanaa peni sha tya ngawo? Epulo ndika olya penduthwa koshinima shoonkwatwa dha galukile muNamibia tadhi ti, odha humbata iiyadhi yomahepeko gongundu ndjoka dha li mo iilyo.

Aantu mboka ya li taa ti oya thigile po evi komahepeko nokuukoloni, ngashingeyi oya humbatelwa oshimpwiyu oshinene kepangelo ndyoka lya kala hali ya landula noku ya dhipagela mookamba dhawo pondje. Epangelo olyo tuu ndyoka ngashingeyi otali ipula nomalutu nonoo-mwenyo dhawo. Oshimpwiyu shoshene oshiwana walela notashi pandulwa. Ashike epulo oli li ashike mpono, kutya omolwashike ano oshimpwiyu shoka nohenda ndjoka tayi ningilwa ashike Aaluudhe yamwe po mevi ndika?


Omolwashike ano ye holike unene ngashingeyi shi vulithe ngiika omimvo ndhiyaka sho ya fadhukile po omahepeko? Omolwashike ano ohole yepangelo itaayi hololelwa wo oonkwatwa oonkwawo dhi li natango miikaha yepangelo tuu ndyoka, ngele nani omutima gwalyo ogwa lunduluka ngashingeyi? Aavali yomathele mevi ndika otaa ka tuminwa uunake elaka lyomupendu omolwoyana mboka ya kwatelwe po noya kanene miikaha yepangelo ndyoka tali ulike olukeno lwalyo koonkwatwa dhomiikaha ya SWAPO?

Shono tashi ulikwa kepangelo sha fa ohole nolukeno, itashi kwatha nando oshigwana shika sha tseyo oshindji miilonga yiita yevi ndika. Ongeleki oya nyanyukwa sho oonkwatwa ndhoka dha hupu ko dha mangululwa koongundu ndhoka dha li tadhi kondjithathana nokwiindila owala oshigwana shi dhime po, nando itashi ka dhimbwa mbala shoka sha ningilathana miita.

Natango tuu ou na omhito u lishangife oshifo shoye shOmukwetu. Ino hala okukundana?

Omathiminiko oga gwa pevi, ihe oKoevoeta na Unita otayi sitha oluhodhi: Ewi lyOngeleki

Ongeleki metsakaneno lyayo naAmushangandjaji gwa UN, dr Javier Perez de Cuellar, oye mu lombwela kutya moshitopolwa shoka sha kala miita, moka oyendji ya li ya thiminikwa ya thige po oshilongo, ngashingeyi omathiminiko gaakwiita oga shuna pevi, okuyeleka nethimbo lya piti, ihe oKoevoeta nekwatathano lyayo naUnita muumbugantu waAngola, oshinima tashi sitha oluhodhi noonkondo.




Amushangandjaji gwa UN, Javier Perez de Cuellar mOniipa.

Etalelopokonakono lyaAmushangandjaji gwa UN, 19-21.7.1989 muNamibia, olya li lye mu eta wo sigo omOwambo 20.7 mOniipa, okutala nokupulakena onkalo yomoshitopolwa shoka mwa longo etanga etilithi lyoKoevoeta. Mekundo lye komuyenda, omumbisofi Kleopas Dumeni okwa ti:

Edhingoloko lyomakaspeli nomikunda okupulapula mpoka pe na aagaluki, inashi pwa po natango noshi li olunza luumbanda maakwaswigwana oyendji. omumbisofi sho u ulike nepandulo kegwedhelo lyaapolosi 500 yaUntag, okwa indile omunyoleli gwomatokolo guuyuni, De Cuellar a kongele iinima tayi landula omayamukulo.

- Oonkwatwa dhopapolotika ndhoka dha thigala natango mooncholongo dha SA.
- Oveta yetindi lyokatongotongo AG-8 yi kuthwe po.
- Oveta yehogololo yi tseyithwe mbala na Untag a tonate etonatele lyehogololo.
- Ompumbwe yomagumbo kAanamibia mboka taa galukile moshilongo nokwaa na iilonga.

Tala kep. 4



Dr de Cuellar ta yamukula ekundo lyomumbisofi mondjugo yiigongi mOniipa.

PENTEKOSTE

Oshitya Pentekoste otashi ti omilongo nta-no. Ano okuza esiku ndyoka Omuwa a yu-muka sigo esiku ndika lyaPentekoste opwa piti omasiku 50. Jesus mwene okwe shi popya kutya otali ke ya konima yomasiku omashona lil 1:5.

Aajuda oya li haa kala noshituthi shiitsali. Jesus wo esiku limwe okwi ile moshituhti moka e ti i-gidha: "Ngele pe na ngoka e na enota ne ye kungame a nwe." Joh 7a:37. Jesus mpaka ota po-pi etililo lyOmbepo Ondjapuki. Etilillo ndyoka tali kutha po enota nompumbwe ayihe kaana yaKalunga.

Oshilonga shomeya ngaka Ombepo Omuyapuki okutompela uulunde wetu. Muuyuni muka omu udha uuwinayi, ihe ngoka ta yi kuJesus ota yogwa nde ta ye sheke. Natu ye kuJesus tu ka pewe omeya taga kutha po enota, uupwidhi, oluhondelo, oluhoko, uunkolwi nuuwinayi auhe. Jesus okwi ithanene aantu omeya ngaka omanga Ombepo Ondjapuki inaayi ya.

Esiku lyaPentekoste aalongwa oya li ya pewa Ombepo Ondjapuki omagano. Jesus okwi igidhile aantu ye ye ya nwe omeya goshali, itaaga landwa nando. Oto ga nu pwaa na iifuta. Joh 7:37; Jes 55:1. Ngoka to kongo Jesus nowe mu hala, oto ka nwa omeya ngoka taga kutha enota. Eigidho ndika ewanawa notwe li pumbwa. Muuyuni muka otwa pumbwa Ombepo Ondjapuki opo yi tu longe noyi tu tompele uulunde wetu.

Ohatu kundana aluhe eenkundana dholuhodhi esiku nesiku. Shoka otashi zi owala mpoka sho tu na enota, twa pumbwa omeya gomwenyo. Otu na onyata otwa pumbwa okuyogwa. Onkee Jesus oti ithana tu ye kuye, tu ka nwe omeya goshali. Tu kale twa kumwa twaa na enota, oshoka muuyuni mbuka ou na enota. Na tu taambe eigidho ndika: "Ileni amuhe." Otatu ithanwa tu pewe omeya omanamwenyo. Jesus ote tu pe meitaalo Ombepo Ondjapuki omagano.

Jesus okwi igidhile e li moshituthi moka mu udha aantu oyendji, opo kehe gumwe i iyuvitileko mwene. Sigo onena Jesus ote tu igidha opo tu ka nwe omeya omatalala kuye. PuJesus opu na okunwa taku kutha po enota, taku gandja eitaalo nevluluko. Omuwa Jesus ota ti: "Ileni kungme amuhe hamu longo nomwa lolokithwa ongame notandi mu pe evululuko."

Otatu pewa ombili muJesus. Eigidho ndika olyi igidhwa kuJesus, olyomuntu kehe. Eigidho ndika olyo elago kungame nangoye. Otatu ka pewa omagano itaatu landa. Otatu ka pewa evululuko lyaaluhe. Jesus oye ohela nonena. Jesus oye ombili yetu twa li twaa yi na. Jesus okwa hala oku tu pa ombili, ndele ongele twe yi hala. Natu kongeni edhiya ndika Jesus, oshoka oye ngoka e li omeya omanamwenyo. Otwa pumbwa Jesus a kale moomwenyo dhetu, opo tu shituluke tu imike iiyimati iiwanawa.

Manasse H. T. Hihangwapo

Natango ou na ompito yokunyolitha oshifo shoye. Tuma ashike mbala edhina lyoye nondjukithi ya yela.



Olwotango mehistoli lyiilonga yaELCIN mokati kaaniilonga mUushimba, sho pwa tungithwa ongeleka yowina okuyakulilamo aaniilonga. Momahala ogendji aaniilonga otaa gongalele melundu lyowala uusiku nenge omutenya. Etungo ndika olya holoka muSwakopmund, noli li pokuyapulilwa iilonga yalyo. Omuyevangeliste Gideon Shakaalela, oye ta wilike iilonga yongeleka ndjoka.

Elundululo kovanshilo-ngangeleki vaELCIN

Omutumba wElelongeleki lohani ya dja ko 27-29.6.1989, Moniipa owa ninga omalundululo amwe kovanashilonga vOngeleki ngaashi tashi landula:

* Omufita Paulus Musheko, Elelongeleki ole mu nangeka omufita omuwiliki meongalo Iipandayaamiti, okutameka Juni 1, 1989.

* Omufita Hosea Iiyambo, Oshilemba, Elelongeleki ole mu nangeka omufita omuwiliki mOniimwandi okutameka Septemba 1, 1989.

* Omefita Lukas Imalwa, a lundululwa mEengoma nokwa nangeka meongalo Oshilemba okutameka Septemba 1, 1989.

* Omudiakoni Aina Kambuta, mElondo, Elelongeleki ole mu lundulula nole mu nangeka mOgongo okutameka Kotoba 1, 1989.

* Elelongeleki ola tokola okushunifila omudiakoni Tusnelde Munyeku oshilonga shaye shoudiakoni pashitokolifo 89 shomOmaufomhango nole mu nangeka omudiakoni meongalo Eenghango, okutameka Juli 1, 1989.

* Omufita Natan Kapofi ou a aluka kelihongo lavo kuAmerika pamwe nahefolo laye, Elelongeleki ole mu nangeka a yakule moshipangelo mOshakati okuhovela Juli 1, 1989.

* Omufita Kapofi okwa hanga onghatu Master of Sacred Theology (S.T.M) nokwa weda ko eendombwedi mbali moshinima shexungomwenyo lomopangelo. Meme Kapofi okwe lihonga elaka lOshii-ngilisha, outeku wopafikola nexungomwenyo.

Olupandu

Otatu pandula ookuume naapambeke amuhe sho mwe tu kwatha, twa topolelathaneni oluhodhi moshituthi sha hugunina sha tatekulu Junias Muzanima Angombe (69) mOkapeto Othika mUukwambi. A hulitha moshipangelo muElim, eti 27.4.1989. Okwa thigi ko omukulukadhi gwe, oyana naatekulu. Yambekweni aayakuli yatatekulu miipangelo: Elim naOshikuku, tangi unene keyakulo.

Omutekulu
Nandjamba Omagano Ndapandula Nakasole
Okapeto, Othika

Oshigongi shaasitagon-galo muSeptemba

Osha ziminwa kElelongeleki pashitokolitho shalyo 315/89, ku kale nuumvo oshigongi shaasita yOngeleki yaELCIN muSeptemba. Ethaneko okwa tiwa olya zi koshigongi shaasita, aayevangeliste naateolohi yomoshitayingeleki shUukwanyama.

Oshigongi shaasita ayehe mOngeleki shoka tashi ka ningwa nuumvo mOniipa uule wesiku limwe alike, ohashi ningwa aluhe omumvo omutitatu kehe nohashi tetekelele Oshigongingeleki. Nuumvo petameko Elelongeleki olya adhika lya tseyitha ku ningwa nuumvo oshigongingeleki shopaulumompumbwe muDesemba.

Oti ithanwa a galukile keyakulo lyOngeleki

Omulongi gwaapangi moshipangelo shOngeleki mOnandjokwe, meme Else Witting, Elelongeleki otali mu ithana natango a galukile kiilonga kuELCIN konima yefudho lye. Omupangi Witting oku li wo oshilyo shEwilikongundu lyetumo moshitayingeleki shOndonga nomEwilikongundu lyEhangano lyaailongi aakriste mOngeleki ayihe.

Ekundo lya zi komu-piya gwaMaija Kantele

Omuyevangeli Petrus Eelu, muElim, ota halele aanashilonga ooyakwawo omukumo miilonga yawo. Ota dhimbulukwa ongundu yawo; Petrus Nande, Petrus Haunini, Petrus Kaindume naSilas Shalanda. Mbaka oya putudhwa mEnongelo lyaayakuligongalo mEngela 1962-64. Ekundo lyeni 1Kor.4:1-2

Petrus Eelu (Omunkono),
Elim

Oontayi dhemanguluko 1989

Onda hala oku shi tula wo mondjokonona ya Namibia pakunyola kutya, Aanamibia ayeche oya kala ya yuulukwa noya hala ando ya adhike muNamibia kemanguluko. Mupya munene, yamwe ya hulitha oondjenda, yamwe ya ningi oontselelandjambo dhemanguluko, yamwe oye li natango pondje yaNamibia ya tegelela okuya kegumbo mbala nenge konima yethimbo.

Ngame nakushanga ogumwe gwomoonakwiilonga kondje yoshilongo shaNamibia pethimbo ndika. Nando tu li kokule kiilongo, otwa gandja ethimbo kehe omakupa koshilongo. Oondjodhi dhetu emanguluko. Gumwe ota kala ihe a hala a pule: Mbela kwaambo ye li pondje oye shi uvite ngiini shono tashi inyenge muNamibia omowemanguluko? Osha li ngeyi:

Osha li Omaandaha, eti 12 Juni 1989 ponti 12.15 yongula. Manga nda kondekwa kondumba yomambo pokataafula kandje kokwiilongela mokangulu moka twa kala nomukulukadhi gwandje, Ndeyapo, nomumati gwetu gwoo-

mvula ntano netata, Shalongo, onda kutha okakolawati mawimombepo (okaradio) kandje, opo ndi pulakene uuyuni sho tawu ti.

Sho nda patulula kokakola kandje ondi itsu owala momawi taga imbi:

**"Sema owu li peni!
Yelula epandele,
Yelula epandele lyaNamibia!"**

**Meroro owu li peni!
Yelula epandele,
Yelula epandele lyaNamibia!"**

**SWAPO owu li peni!
Yelula epandele,
Yelula epandele lyaNamibia!"**

Eimbilo olya tetwa pokati inaali hula. Mbala mbala otaku landula omutoolinkundana gwaAmerika gwokakola hoka haka ithanwa "VOA" (Voice of America). Nguka okwa li ta popi okuziilila kokapale kaNdeekalemba mOmukuto gwaNamibia.

Omutoolinkundana nguka ota hokololele uuyuni nkene ondhila yaZambia lya manguluka ya li

tayi nambale mokapale haka kaVenduka. Ondhila oya li aniwa ya eta aakondjelimanguluko yaNamibia kegumbo mboka aniwa ye li 237. Aagalukili kegumbo mboka oya li ye li mewilikilo lyIigwanahangano (UN).

Okwa ti wo kutya engathithi enene lyaaholimbili yaNamibia oya tsakanene aakondjelimanguluko mbaka pokapale. Mokati kaatsakaneki omwa li omuwiliki gwopevi gwoSWAPO yaNamibia omusita Hendrik Witbooi. Omusamane Witbooi okwa popitha aakondjelimanguluko ooyakwawo nokutsa ayeche omukumo kutya Aanamibia itaa teka omukumo mondjila yemanguluko.

Komatango gesiku tuu ndyoka po 7.44, onda patulula ishewe koradio yaEngelanda ndjoka haku tiwa, BBC. Mundjika ondi itsu mo owala natango oondigolo nomaimbilo gAanamibia taga imbilwa pokapale. Omutoolinkundana gwEngelanda aniwa o "Mike", okwa pula gumwe omukiintu gwomaagaluki inaa tumbulwa kedhina, nkene u uvite. Oonkundathana dhawo pafupi odha li ngeyi:

Omutoolinkundana: **"Pondje owa kala po oomvula ngapi?"**


Omukondjelimanguluko: "Oomvula omulongo nambali."

Omuk: **"Aantu oto ya tseya we ngaa?"**

Omuk: "Itandi kambele!"

Tala kepannja tali landula

Otwe ya noshinakugwanithwa: — Shikongo



Tate Shikongo nameme Johanna naanona yawo Nuugwanga (4) pokati, Natangwe kolumoho naImmanuel Nehemia okatekulwa kawo kolulyo.

"Oshinakugwanithwa shetu twa lalekwa nasho tu shi ninge moshilongo shika otu kuthe oshitopolwa mehogololo, notu ulike ongundu yoshigwana oSWAPO yaNamibia," osho omugaluki omusamane Filippus Shikongo a yamukula Omukwetu mokuthika kwe muNamibia.

Omusamane Shikongo okwa ti okwa li ha longo mondjugo yomahini moKroonster mOvenduka, manga inaa taaguluka oshilongo 1977. Hwiya-ka oya tsakanene nokakadhona Johanna hoka ka thigile po Namibia 1979 manga ke na ashike

omimvo 19. Oya hokana noye na ngashingeyi aanona yaali Nuugwanga (4) naNatangwe.

Mongundu yoSWAPO omusamane Shikongo ota ti okwa kala miilonga yokutekula oshigwana, moohedhi nomeihumbatonawa alihe. Ota pandula Ongeleki muNamibia ndjoka a ti kutya oye ya kwatha okulandula iiningwanima meni lyoshilongo. Sho ya talele po kOmuthiyagwii-pundi otaa ka ya kOmpundja, a ka tseyike hoka a kutha omufuko gwe Johanna, omuputudhi gwaanona mookamba dhaSWAPO.

Koevoeta na Unita

Dha za kep. 2

* Ethimbo lyopokati kehogololo nokuya kesiku lyemanguluko li tulwe moshimpwiyu shegamenno, omolwomakakunya ngoka taga futwa nando ga lalekwa notaga vulu okushunwa miilonga kehe ethimbo.

Omumbisofi okwa holola wo oluhodhi lwe peha lyOongeleki oonkwawo, omolwaantu mboka ya hiywa kOngeleki mc hilongo okuza muuyuni, opo ya tale ehogololo nkene tali ende mpaka, sho taa tindilwa eziminino lyokuya mo.

Kombinga ye Amushangandjaye de Cuellar okwa tula omuthindo keindilo lye oongundu adhihe moshilongo dhi lalakanene ombili. Oluhindo negamombinga kehe gumwe yi mu kale kokule, omukalo ngoka aguke tagu vulu okweenditha iinima nawa. Okwa uvaneke iinima e yi uvu mpaka nenge e yi mono, e ke yi kundathane nepangelo lya SA. Oku uvaneke wo okulonga neitulomo nekwatho lyomukalelipo gwe omusamane M.Ahtisaari ngoka naye wo e ende pamwe naye molweendo nduka kOwambo.

Pashifonkundana The Namibian 20.7.1989, omusamane Louis Pienaar, okwa ti omakaspeli 380 ngoka taga longo moshitopolwa shokuumbangalantu woshilongo, agehe ote ga kutha ko ga game kUushimba, naangoka 60 taga thigala ko ga game lwo'ongamba yaNamibia naAngola, hoka a ti, kutya otashi vulika ku kale natango ooboma dhomevi.

Ethimbo lyOkaliindeli koshitokolitho 435 sha UN, okuutha pehulilo lyaJuni, SA a kale e na ashike aakwiita 1,500 muNamibia, ihe otaa ngambekelwa mookamba pOshivelo nenge mOshaanda nenge momahala ngoka agehe gaali.

Sebulon Ekandjo

Onda li oshilyo shoSwapo nosha SA

Jonas Ikongelwa (19) Ombwenge mOndonga, ota ti 1988 okwa kwatwa ketanga lya SA manga aniwa a li miilonga yaSwapo. Pahokololo lye oshilongo okwe shi thigile po 1986. Mondholongo ya SA okwa kala mo uule woomwedhi 10.

Ehokololo ndika Ikongelwa okwe li gandja kOmukwetu manga a mangwa sho a teya okasitola komusamane Aktofel yaJosef hoka hake eguluka mEpembe, eti 16.7.1989. Omufuthi okwa adhika a kotha ongula sho kwa shi, nondumba yiinima ye mu kalela mbyoka a papata monailona ngaashi tashi monika methano ndyoka.

Ikongelwa okwa zimine kutya mositola yaJosef okwa kutha mo omakende omashona gomalovu 10, nenene limwe. Uukende womagadhi uyali, uundooha wonyama utatu, uuleke okapakete kamwe, uupalwa, omakaya, onamunate noma-peni kee shi kutya gangapi.

Konima yoomwedhi 10 sho a mangelulwa ku SA, Ikongelwa ota ti ina kala we e na iilonga. Okwa ti mokukwatwa kwe ine ehamekwa nando, ihe okwa yakulwa nombili kumwene gwo-sitola.

Sebulon Ekandjo

Exodus

Ex. 14: 11-14.

Oshitya Exodus otashi popi olweendo lwOvairael tava fiye po Egipti loupika va yuka ku-Kanaan kedu lexupifo. Oshitya Exodus osha kwatela po yo omahepeko a ningilwa Ovairael muEgipti kuFarao. Elikukutiko laFarao ola twala fiyo omefyo loiveli nemanguluko lOvairael moupika.

Eedula da pita, otwa kala tu na etembu (Exodus) lOvanamibia la yuka moilongo yopou-shiinda omolwoukoloni nomahepeko aSouth Africa. Olweendo eli ola kala lilula, osheshi ovaendi vosheendo ava, ova enda kolupadi ve litwa koifidi, va lika komayoka navamwe va ya momake omutondi.

Pamwe nolweendo eli, o vadali Ovanamibia otwa kala hatu lombwelwa kepangelo la SA, kutya ekipa lombuda loSWAPO okwe li teya. Odula keshe otwa leshelwa mOradio youkoloni taku ti, etanga la SA ola dipaa omayovi noma-yovi, ovamwetu, ootate, oomeme ovo va ya molweendo.

Konena eli, otwa fikama apa tu na olweendo la yuka moNamibia talu ende meedila. Eli olo enyamukulo laKalunga ou e li yo molweendo ta popi: "Mweneni filu, ame ohandi mu kondjele." Otu li molweendo la yuka kehooolo. Molweendo eli, omu na oKufuta nomakaspeli. Omu na oikati ihapu nomalimbililo. Otashi dulika tu diladileni keembiya deembelela da SA, ponhele yokulonga twa mana mo, opo tu ye memanguluko lashili.

Mweneni filu, Omwene ote mu kondjele. Etumbulo eli itali ti, otu na okumwena nokutonya omaoko, aayee. Otu na okulungifa omakanya nomauluvi etu, twe lineekela Kalunga ote tu



Omumati Jonas Ikongelwa, noshako ye ta fala koveta, ndjoka a yaka mositola yaAktofel Josef, mEpembe.

kondjele molweendo letu. Tu longe ngaashi omapenda mahapu molweendo eli e shi ulika.

Otwa pumbwa okulonga tu li kumwe. Ovo mwa pukifwa, alukeni, nye udei ko kutya paTestamendi: Lipe, naavo va valela Jesus komushiya-kano ova ka shashelwa medina laye. Omunamibia keshe, kutya nee owa longo owii u fike peni, oshiwana shi hole ombili nouyuuki, otashi ku taubula. Nandi mu shilipaleke ngala kutya, o-


Ohatu dimine po omudipai, ndele itatu dimbwa eshi twa ningilwa

Omudali Johannes Nghilundilwa, osho a tumbula pOmukwetu eshi a shiivifa koshifo eshi efyo lokamati kaye Johannes Hafeni yaNghilundilwa (17). Hafeni okwa dipawa 21.5.1989 kekakunya Mandume yaGideon, mOshakati, manga ovanyasha momudingonoko omo kwa li va xungila tava imbi omaimbilo emanguluko.

Omufita Nghilundilwa okwa ti, ohatu dimbulukifa omudipai, pandjovo daKalunga, kutya omudipai ke na omwenyo waalushe. Fye ohatu mu dimine po melidilululo laye, nande itatu dimbwa diva oshinima eshi.

Okamwaina kanakufya Ester Shangeelao eshi ka fika mooxe Nghilundilwa, okudja kombada, oka hanga onghundana yefyo lokandenge. "Omuto-ndi ina hala nande tu fike memanguluko," osho a kema moudjuu waye.

Eumbo laNghilundilwa ola yandja etumwalaka lolupandu kovahekeleki aveshe meni loshilongo nokombada moluhodi eli kwa li le va hanga.



Mandume yaGideon ou a dipaa okamagona ko-mukulukadi waye.

lweendo letu nali kale oli na oudjuu u fike peni, exulilo lalo emanguluko, okudja moukoloni wa-South Africa. Omwene ote mu kondjele.

Jonas Mweutota

(La udifwa moshongalele shotetetete shoSWAPO mo-shakati mOwambo).

"Omwene ne mu wedele ko shihapu osho mwe tu ningila moku tu hekeleka," ofamili yaNghilundilwa ya tumbula.



Nakufya Johannes Hafeni Nghilundilwa

Ehogololo muNamibia okuhulitha po omukundu gwokatongotongo nehepeko

Omavi gaAfrika 53, gaali gomugo natango inaga mona eipangelo lyago, otaga pangelwa kaakwiilongo nokomatanga gaakwiita. Omavi ngaka ogo Sahara lyokuuninginino naNamibia. Ngashingeyi Namibia otali tegamenwa notaku tegelelwa li mone elunduluko enene, mbala.

Namibia olya gama Afrika kuumbangalantuninginino kuuzilo womukunkulo gwefuta lyaAtilada. Edhina olye li mona kombuga yaNamibia ndjoka ya li ya shiga kefuta lya Atilada. Namibia elaka lyOshidhirotsa ndyoka tali ti "egameno".

Namibia olyo evi eti 15 muunene muAfrika li na oombinekilometa 825, 000 (km/2). Omwaalu gwaakalimo omushona gu thike poomilyona 1.4. Aatiligane mevi oye li mo 7%. Oyo aate-mbukilimo ya za kuEuropa konima yomimvo omathele gaali. Aaputu, Aahoolanda, Oombulu, nAandowishi.

Aayeuroopa oye li pokati kevi lyomamanya, manga Aaluudhe ya undulilwa kooha. Shika osha ningwa omolwevi lyaNamibia ndyoka pokati komamanya nehekevi opwa siikililwa uuyamba wopaushitwe ngaashi oshingoli, oshisilveri, okawe nayilwe mbyoka ya ningitha Aatiligane anelago.

Aaluudhe mboka ye li oopelesenda 93% kaa na uuthemba wopapolitika nokaa na enwethomo lyasha meliko lyevi nosho wo eipangelo. SA okwa tula po aakwiita ye kwaa shi keziminino lyoshigwana moNamibia konima yomimvo 70.

Nopethimbo ndika moNamibia omu na aakwiita ya SA 100 000 mboka taa pangele notaa utha ayihe pankondo dhawo. Pethimbo ndika ondjambe yomwedhi yOmutiligane oyi vule lwomulongo ndjoka yOmuluudhe. Omu na oyendji poepelesenda 20% yaa na iilonga, noopelesenda 45% oye na iilonga kokule nomagumbo gawo, konima yookilometa omathele ogendji.


Oshitopolwa shevi otashi vulu okulongwa omappa. Oopelesenda 77% odhi li momake gAatiligane netata lyAaluudhe ohali longo oshitopolwa shoopresenda 5% noshihupe osha SA naakwiilongo yalwe.

Pethimbo ndika muNamibia omu na omundohotola gumwe ta yakula Aaluudhe 7, 000 manga Aatiligane 900 ayeke taa yakulwa komundohotola gumwe. Okukalamwenyo kwAaluudhe kwopokati omimvo 50 manga kwAatiligane omimvo 70. Uunona wAaluudhe 163 womeyovi ohau si pokuvalwa manga wAatiligane 12 auke womeyovi.

MoNamibia aanona yAaluudhe haa piti mo-seko 1% manga Aatiligane 68%. Elongo lyOmutiligane oli li pombanda lutano kundyoka lyOmuluudhe. Oshinima shika shokatongo pokati kAaluudhe nAatiligane oshi na ekondjithathano ewinayi. Omwaalu omushona gwAatiligane otagu pangele eliko lyevi, elongo nuutekenika auhe nomalunza galwe.

(Sha nyolwa moKotimaa 17.11.1988 komweekonomi Yrjo Höysniemi)

OMIKITHI MOSHIGWANA PAZIMININO LYOSHIGWANA



Oshilonga shetuntilo lyaanona moshipangelo shaNandjokwe.

Ehanganotumo lyaSoomi olya egulula eyalulo epe mOmbaanga, opo li kwathele moshikandjo shomatuntilo omoluukolele wAanamibia. Etseyitho ndyoka lyokugongelitha iimaliwa olya ti, kutya Namibia sho ta ka mona eipangelo lye omumvo tagu ya (1990) nena ota pumbwa wo uundjolowele womalutu.

Omikithi dha tumbulwa tadh pumbwa okutuntula nokupangwa odho oTB, (tuberkloosi), omikithi dhuunona ndhoka hadhi tuntulwa shito nosho wo epango lyolyene lyuuvu ndyoka tali ningilwa miipangelo nomuupangelo. Epango nomatuntilo ga tya ngeyi ohaga ningwa shito moshigwana notaga pumbwa ekolekwo shi vule shito uuna evi tali manguluka.

Uuyuni owi ilongekidha okukwatha Namibia li mone emanguluko. Osho wo opu na mboka tayi ilongekidha omolwuundjolowele wetu nonkalo nawa yetu, nando Ehanganotumo lyaSoomi omo li li nale mekwatho lyAanamibia paundjolowele okuza nale.

Epulo oli li ashike mpaka oshigwagwa shaNamibia otashi taamba ngiika omakwatho ngoka? Omavu gamwe ngaashi oTB okwa li kwa kambadhalwa nale ga hulithewepo moshi-

gwana ngaashi ga hulithwa po miigwana ya-Europa. Ihe mpaka otayi tsikile nokutana ethimbo alihe. Shoka hashi yi kutha po, osho epango lyaavu mboka ya kwatwa nale naunene etuntilo mumboka inaa kwatwa natango nuuyogoki.

Shoka inaashi yi hulitha po mpaka okwadhiginina omatuntilo naunene okwaa na uuyogoki. Onkalo yokwaa na uuyogoki otayi vulu okupopilwa kumwe nomikithi ndhoka itatu dhi adha miigwana ya putuka, ngaashi dhuupuka womomala. Mbuka otatu adhika ndishi olwindji moshigwana shetu?!

Omavu oge li po ashike omolwokwaaaputuka nokwaa na uuyogoki. Uuyogoki ongaashi okwiiyoga nokuyoga iiyuma niikaha. Okuninga uundjugo wokuya kiihwa, hakelundu. Onkalo yopaundingosho okunwina mehalasa limwe, oyo tayi taandelitha uuvu wo TB nuupuka.

Mokunyateka omahala nomalundu, okulya shaashoka noshaampoka. Aantu yalwe ngele otaa ihepeke natse nomuukalinawa wetu, nena natse natu kondjele twa mana mo, opo tu taambe shoka tatu shi pewa. Kalunga okwe tu sila oshimpwiyu onkee "iha kwatha egoya".

Omahekeleko

Omasiku 15.3.1989 Kuku Hileni Mpingana Toolu (99) gomomukunda Oshipumbu mOndonga, okwa mana oondjenda dhe mOshipangelo sha-Shakati. Okwa thigi ko oyana yaheyali, aatekulu 80 naatekulululwa 20. 2 Aak. 5.6-9 Omaimbilo 507.

Peha lyaatekulu Albertina Takatsu Kapolo

Meme Serafina Hangala (85) Enyana Kongo okwa xulifa oweenda waye 31.1.1989. Okwa fiya po ovana vatatu, ovatekulu 17 novatekulululwa 27. Amushe mwe tu hekeleka, otwe mu pandula, Omwene ne mu yambeke. Eimbilo 481.

Sigrig Petrus

Omuwiliki wovanyasha mOhalushu Anna Karolina Hamukoshi okwa fiya po ovakulunhu vaye Adolf naHendrina mOmaeheke mouyehame wefimbo lixupi. Eongalo novanyasha amushe mOukwanyama novakwaHamukoshi, hekelekwani amushe.

Omwene na fete po omahodi kwaaveshe va fiwapo. Eimbilo 630, Joh 14:1-3.

Penchupifo Ndeshimona Haihambo Oshakasheka Ohalushu

Omasiku 6.2.1989, omusamane Mateus Matananga Andreas (21) okwa mana oondjenda dhe ombaadhilila. Okwa thigi ko omuselekadhi gwe naamwayina 11. Eimbilo 388

Emilia Shigwedha Nchoya



Omushamane Andreas Shilomboleni, nedina la shiivika nawa Haiweelela okwa mana cengeda daye moshihakulilo mOvenduka, mouyehame wefimbo lixupi (efiku inali tumbulwa). Haiweelela okwa wilika amatungo eengeleka namakwao mu ELCIN konyala eedula 20. Eshiiwo laye moilonga ei ola li linene. Omwene ne tu hekelekeni.

Michael Sh. Heita

Omut: "Owa tegelela omunezimo te ku tsakaneke?"

Omut: "Otashi vulika omumwamememati a tsakaneke ndje."

Omut: "Ou na etegameno kutya emanguluko olye ya?"

Omut: We are freedom fighters. Freedom is always around the corner. We are ever prepared to fight to final victory." (Otashi ti: Tse aakondjelimanguluko. Kutse emanguluko oli li aluhe lya tumba ko. Otwi ilongekidha sigo esidano.)

Mbaka yaali manga taa pulathana, ondi uvite konima taku imbwa:

"Mondjila yemanguluko,
Nujoma te tu wilike,
Sigo okethikilo."

Tse huka otwa ti: Waketu! Kape na omuvalwa ihaa yuulukwa. Kalunga ihe ku etha nganyoko. Ye Kalunga shoka e shi ku pungulila ihe shi li po. Omainyengo agehe ngaka kutse ogo oontayi dhemanguluko. Namibia hangana. Aanamibia tseyeni omutondi kutya olye. Inatu kaleni oluhwati lwa gwa ongodhi. Ihe natu imangeni oshihampi. Omukolonyeki na ningwe, Omuhangena iha sindi.

Nando twa uvu kashona kwaashoka tashi inyenge moNamibia, itatu etha wo shi pite inaatu yematela iikundaneki yaAmerika. Iikundaneki (media) yaAmerika inayi itula mo nando okulombwela uuyuni naantu yawo Aayamerika shoka tashi inyenge muAfrica-lukadhi.

Otu na epulo kAayamerika moshinima shika, kutya mbela omolwashike itaa kutha oonkundana mpoka aantu taa thiminikwa kuukoloni nokatongotongo? Pethimbo ndika opo wo pethimbo aanasikola yaKiina (China) ya ningi iiwike oyindji momakanka. Mupya munene oyendji wo yomaanasikola mbaka oya dhipagwa komatanga goshilongo. Iikundaneki yaAmerika konyala omunute kehe otayi popi kushoka tashi inyenge kuKiina.

Ihe uuna aantu ya dhipagwa koombulu dhokotongo dhaSouth Africa, ihaa ti ko sha. Omolwashike? Oshe tu yelela kutya epangelo lyaAmerika inali hala okumona Namibia lya manguluka dhoshili mewiliko lyaSWAPO. Amerika okwa hala Namibia li kale opapeta yaaluhe yiilumbu naakwiilongo. Ihe naa dhimbulukwe, Namibia oli na okumanguluka. Kalunga ke shi ka gumwe!

S.V.V.Nambala

Sigo eti 20.7.1989, aantu 285,946, oyi inyolitha nale muNamibia, opo ya mone ompito yehogololo muNovomba. Omwaalu omunene ogwa monika mOwambo moka aantu 80,031 yi inyolitha, Ovenduka 38,827 naKavango 23,931. Ngoye owa ningi ngiini?

Oshigongi shAagundjuka yOshitayingeleki shOndonga


Ontanda yaagundjuka yOshitayingeleki shOndonga oya ningilwa mOniipa eti 6-9.7.1989. Aagundjuka yomagongalo 20 mwa kwatelwa Onakazizi nankelo, gomomagongalo gOshitayingeleki shOndonga 26, oya holokele koshigongi shawo.

Elalakano lyoshigongi shika okutungathana kwaagundjuka nokuyambidhidha oshiketha shawo, mokukondjela 'Maranata'. Omumvo gwa zi ko Maranata okwa yile kOnankali, ekopi omOnandjokwe. Aagundjuka oya ti ayihe otaye yi ningi kohi yoshipalanyolo oshinene, Etumo mOngeleki ayihe.

"Pwaa na etumo kape na Ongeleki nopwaa na Ongeleki netumo kali po," osho gumwe gwo-maagundjuka a holola. Okwa yelitha kutya etumo mokati kaanahambo olya ponya, omolwomuyakuli gwawo kee hepo. Okwa ti mepyatumo nuumvo inamu monika sha sha gwana, onkene aagundjuka naa itule mo omolwoshilongatumo mokati kaantu yaKalunga.

Okwa yelithile yakwawo, kutya naya longe etumo mokati koshigwana. Ngele taa gwanitha oshilongatumo, omo tamu zi ekwatho lyaashitwa yaKalunga ehupitho lyawo nolyetu wo. Okulonga oshilonga shetumo kutse, osho wo egwanitho lyechalo lyaKalunga. Mat 7:21.

Mokukondjela Maranata gwawo, Oniipa oya yi naye sho ya vulu omagongalo omakwawo noor1, 429-99. Oshigambo oshe ya oshitiyali,



nosho sha yi nekopi. Ontanda ndjika oya halakana ongula yOsoondaha 9.7.1989

Taati Kanana

Natango omayelithilo moshinima sheinyolitho

Ombelewa yomukalelipo gwaAmushangandjayi muNamibia, oya dhimbulukitha ishewe aainyolithi iinima tayi landula, omolwehogololo tali ke ya muNovomba nuumvo.

1. Shoka tashi tegelelwa shi kale sha yela mokakalata keinyolitho osho, a) **edhina** lyamwene, b) **eshaino** lye nenge c) **ostamba** yomunwe gwe.

2. Oonomola dhoofooloma adhihe ndhoka inaadhi gandjelwa muNamibia, itadhi pumbiwa mokakalata keinyolitho. Oonomola dhuutse wa gandjwa muNamibia odho adhike tadhi holoka muukalata weinyolitho.

3. Aanamibia mboka ye li mOmbaye notaa vulu okuulika onzapo yevalo lyawo kutya oya valelwa palwe muNamibia, oyo ayeke taa vulu okwiinyolitha. Nenyolitho lyawo otali ningilwa moSwakopmund.

4. Ombelewa oya yelitha natango, kutya omanyolitho ngoka taga ende komahala oge na ompito yokutsikila pehala lyontumba nando omasiku oga kale ga pwa ko, shimpa tuu aainyolithi opo ye li. Naashoka otashi ningwa sigo omainyolitho agehe ga patwa.



Ebandela laSWAPO eli SA ha ti kutya itali yelulwa mo moshilongo omu, paife otali yelela omhepo kombada yaVenduka, osho omushamane L. Pohamba a lombwela oshoongalele shomOluno 15.7.1989.

OLYE KWA LI HA LONGITHA UU-YUUKI MIITA YANAMIBIA

po ombelewa onene yOngongahangano yAakwaluther muuyuni (LWF), okwa thigile ko ehiyo ombelewa ndjoka yi talele po ookamba

Omahokololo ga anduka omasiku nga momakana goonkwatwa ndhoka dha dhigininwa kuSWAPO, muAngola itaga thigi nando omuntu gwomutima gwontumba inoo inyenga. Shoka ashike itoo shi monene mbala eyamukulo osho shoka kutya ehokololo lyawo nomaulikilo giyyadhi yawo, otaga kwatha lye muNamibia okupangula SWAPO?

Titus yaPaulus, okamatyona koomvula 13, mOmulondo, nako ndishi oke na uuthemba okukutha mo ohema yako, ku ulike omugongo gwako nkene gwa yothwa po kaakwiita ya SA 28.6.1989 sho ka sakalelwa omulilo owina? Kake na shoka ka li ka ningi omuntu, enota alike lyokuhepeka lyopaita.

Omukulukadhi Monika Kamulunga mOnawa naye ndishi ota vulu okuthikama a pule okanona ke Marselina koomvula mbali adhike, hoka ka tyankulwa po komatayela gekaspeli lya SA megumbo, 10.6.1987. Okanona oka li ke na mo shike miita?

Ombili netaambathano tali igidhwa pethimbo ndika kewiliko lyaSWAPO, li ningwe komukwashigwana kehe noli ningilwe kehe gumwe olya pumbilwa shike ano? Ndishi omolwashoka pwa li omaehamekathano nomalulumikathano? Andola osha li sha pumbiwa, andola omuntu oto hadha natango ondjokonona yiita ya-Namibia, mpoka ya zile, shono she yi eta nolye e yi shongo. Ndishi oto ka mona kutya ngoka a shongo iita yevi ndika oye e shi okupulwa eyonuko alihe ndyoka lya ningwa mo? Ihe omolwokutunga ombili netaambathano mbyoka ayihe yilwe itayi kwatha we sha.

Ongeleki meyonuko lyiita ngiika inayi ninga ashike shoka ya li yi na oku shi ninga. Ihe Ongeleki inayi kala wo yi ihukata owala ya tala ko. Oya kala tayi londodha epangelo ndyoka lya li tali vulu okulundulula onkalo ayihe. Omumvo 1971, Ongeleki oya kumagidhile epangelo nomatumbulo taga landula:

“... Epangelo lyoye nali konge omukalo gwombili gwokukandulapo omaudhigu gomevi lyetu pamatokolo gompangu yuuyuni nome-longelokumwe na UN. moka SA e li oshilyo, lyo li se oshimpwiyu kutya uuthemba auhe womuntu u gandjwe shili...” Omatumbulo ga fa omakwawo ngaka oge endululwa ishewe moonkundathana nepangelo muKaapstad 1973.

MuApilili 1975, Ongeleki yaAnglikan, ya ELC mUushimba noya ELCIN, aawiliki yadho oya pitithile etumwalaka lyawo medhina lyOngeleki ndyoka tali leshwa ngaashi tali landula.

“Methimbo edhigu lya tya ngeyi lyuupolotika waNamibia, osha simana unene omalalakaneno agehe taga ningilwa aantu, ga ningwe muuyelele. Onakuyiwa tayi taambwa komuntu kehe, kayi vulu nando okutungwa nomukalo gwiineya.”

Mombilive yOngeleki yeti 9.5.1978 kuAmushangandjaji gwa UN, otamu leshwa ngaashi tashi landula: “Otatulu indile natango oongundu ndhoka tadhi kondjithathana ngaashi SWAPO, SA, DTA nadhilwe, opo dhaa kale owala kehe yimwe tayi pula onkwawo oyo yi hulithe po uutondwe, ihe dhi tse kumwe nokuziminathana mbala, okutula po omatati oshita.”

MuFebuluali 1987, omupresidende gwa-SWAPO, omusamane Sam Nujoma sho a talele



Omugongo gwaTitus yaPaulus osho gwa zi meziko gwa tya ngawo.

dhAanamibia yo yi konakone onkalo yookamba. Eyamukulo kehiyo ndyoka olya ningwa 1-6. 12.1987.

Etalelopo lyoludhi ndoka olye endululwa ishewe kombelewa ndjoka 8-13.3.1988. Likando ayihe iyali Ongeleki ya ELCIN, miyendo mbyoka oya li yi na mo ontaliho. “Moonkundathana nuungundu mookamba dhaafadhukipo nenge onomuntu gumwe nagumwe, oshendo osha nyengwa okumona omahokololo gomahepeko taga popiwa,” osho ehokololo lyekonakono lya ka gandjwa kombelewa yehangano lyOngeleki.

Ihe oshinima osha li wo sha yelithwa pethimbo lyekonakono, nokutya okamba yaamboka ya dhimbululwa miilonga yuundaadhi, oyi li moshitopolwa shiita, naatalelipo oya manguluka okuya ko, shimpa tuu ewiliko lyongundu (SWAPO) itali gandja etimau-mbwile lyegameno kaayenda. Omolwegameno, oshendo osha nyengwa ano okuthika kehala hoka ku na oonkwatwa.

Oonkambadhala ndhoka otadhi ulike nkene Ongeleki itaadhi popile nando omahepeko goludhi kehe taga ningilwa omuntu kehe. Ongeleki oya kambadhala okupopila ombili, uuyuku noshili. Ewi lyOngeleki olya yela;




Jafet Isaac ta ulike iyyadhi yomahepeko ge ngoka a ningilwa kuSWAPO. Ethano olya kuthwa moshifo The Namibian 5.7.1989.

Olukanda 'Oluno' olwa kala lwa nyatela oombepo dhuupwidhi unene kombinga yOndonga. Manga Namibia lya li mokati kiita, oyendji yomaapukithwa oya kutha omahala gawo gokukala molukanda ndoka Oluno. Pomahala gamwe mOwambo ngele owa tseyika wa kala mOluno, oshigwana ohashi haluka noku ku konakona eholokepo lyoye.

Melunduluko lyonkalo yoshigwana, nani nOluno olwa lunduluka. Oyendji yomUumbenge (omagumbo gaahupili yomoondooha dha SA), oya hitulukile mo eti 15.7.1989, yi ile ya pulakene ewi lyoSWAPO nkene tali yelitha elaka lyemanguluko. Aapulakeni yoshigongi ya tengenekwa ye vule 12,000 oya li ya ningilwa eegululo lyoshigongi negalikano komusitagongalo Johannes Mvula, sho a lesa mEpisalomi 127.

Omunashipundi gwoshitayi shoSWAPO mOndangwa, omusamane Prins Shiimi okwa gandja ekundo nepandulo lyawo keholokepo lyoshigongi. Okwa pandula aamwameme aagaluki



Omusamane Lukas Pohamba, omutiyali methano ndika okuza kolulyo oye a li omupopi omunene moshigongi shopOluno.

mwa kwatelwa aakomeho naalongekidhi yoshigongi shoka. Okwa ti oku shi shi nale kutya omolwashike ya thigilepo oshilongo shika. Okwe ya halele ombili nelago mokukala kwawo mevi lyawo.

Gumwe gwomaawiliki yoSWAPO omusamane Simon Kaukungwa okwa yelitha komikalo dha SA, ngoka a kala inaa halela Aanamibia ombili. Okwa ti okwe ya kalitha kombanda yoshilongo ethimbo ele, molwasho a kala a tinda okuya poshitaafula shoonkundathana. Okwa tsikile ta ti, nando a li inaa hala, Swapo oye mu longitha nokakulumbwati, sigo a kuuumba poshitaafula ta pula ombili pokati kawo naSWAPO.

Okwa tsikile ta ti, SA okwa kala ta ti SWAPO ite ya mo moshilongo shaNamibia, ihe nena SWAPO oku li apehe moshilongo ashihe. Kombinga yaUNTAG natango okwa ti, SA okwa kala te mu indike mo moNamibia, ihe okwe ya mo kehalo lyoSWAPO. "Eshi Eembulu di hole alushe kouwa, paife oda yeda omitwe tadi ti vati odo da eta mo UNTAG moshilongo," osho a ti.

SWAPO okwa yelithile oshigwana kutya ayihe iwanawa oye e yi eta nota ka tsikila natango okweeta uwanawa moshilongo she. Omupopi okwa ti kutya okuza kwawo kombanda, oye ya ye shi kutya iilyo yoKoevoeta oyo oluvalo lwawo, onkene oya hala oyana yawo ya galukile

EWI LYOSWAPO LYA LOMBWE-LWA OSHIGWANA POPEPI NOLUKANDA POLUNO

kongundu yopashigwana. Okwa yelitha kutya SWAPO ongundu yopakriste, ndjoka yi itaala Kalunga. Ano ngoka ti itedhulula, itayi mu ekelehi, ihe otayi mu taamba noku mu dhimina po.

"Alukeni ludalo letu, ileni kongudu yoshiwana sheni, osheshi fye inatu hala okulwifa omunhu, ndee ohatu lwifa epangelo lomutondi SA," osho gumwe gwomaawiliki yoSWAPO i igidha mokule mokwiithana oyana mboka ya pukithwa. Okwa pandula wo mboka ya galukile koshigwana methimbo efupi lya piti. Moka a yelitha kutya oya taambwa ko nombili noya dhimnwa po medhina lyaTate Kalunga.

Mokati koshigongi moka omwi iholola omusa-

lweso lyomupambe gwe. Omukwaniilwa okwa pandula Tate Kalunga mokweenditha ayihe, nomokukwatha sigo Aanamibia ya galukile ishewe kegumbo. "Omukwaniilwa okwe mu taamba nombili Aanamibia amuhe," osho Namuhuja a ti.

Oshigongi shika osha thikile nombili pehulilo, sho sha pa twa negalikano komusita Eino Ekanjo.

Taati Kanana



Omusamane Tarah Imbili, methano ndika, okwa thigi po ongundu ye ANS ndjoka a yi muyo nuumvo. Okwa taambwa oshilyo shaSWAPO moshigongi shopOluno.

OMAHALA GETOPOLO LYIHKULYA KAAGALUKI

ONDONGA

Epembe
Okankolo
Onankali
Onayena
Ondangwa
Oniipa
Onyaanya
Oshigambo
Olulongo

UUNINGININO

Elim
Nakayale
Ogongo
Okahao
Okando
Okatana
Onesi
Oshakati
Oshikuku
Ruacana
Tshandi
Opuwo

Ova shangela nge tava ti.

OUFUDIME IHAU YOFWA

Ohandi indile nefimaneko opo oshipopiwa shange eshi shi nyanyangidwe, nohandi pula kovakwashiwana vaNamibia opo mu lididimikile okupwilikina komishangwa dange kokutya:

Aame omulumenhu wedina Lidilulula Angala, omukunda Omatelekelo Ombalantu. Ame oumwe oo nda li nda fiya po oshilongo shaNamibia 1971 nda ya pondje yoshilongo, kwa li ndi na okuya moSWAPO oku ka kondjela emanguluko laNamibia ndele onda ka (joina) epangelo laAngola Fapla, omo nda kala.

Mo 1973 onda dja mo okuya moshilongopangelo shaAngola Luanda. Omo twa kala nelongelokumwe lovakwaita vepangelo laAngola Fapla. Mo 1981 otwa li molwoodi okulewifa omutondi SA, moshilongo shedina Ondjiva mOukwanyama, nomolwoodi omo omo nda kwatetwa kovakwaita va SA, tashi ti nda kwatwa ketanga loKoevoeta.

Okudja opo onda ya moupongekwa wavo oule weemwedi dihapu, di dule pumbali omo voo ve uya okutilifa nge nedipao ngeenge itai longele kumwe navo. Osho yo ova kala ve na efininiko lokutuma nge ketanga laUnita ashike onda kala nokwaanya ko, nokonima ova kala nokufininika nge nomatilifo mahapu, opo ndi longe muvo. Nokonima eshi nda nyengwa momutwe wange kuvo nghi shi shi, onda ka mona ashike eshi nda itavela nokuya moilonga yavo.

Metanga loKoevoeta ei ya kwata nge, ashike onda didilika kutya SA oha longifapo omuti momunhu, opo omadiladilo omunhu a tanauke. Omangha omunhu yee mwene e he shi shi opo omunhu a itavele oilonga yavo noupu. Heeno ame mwene ondi na okufatululila oshiwana omutima wange kokutya:

Omutondi keshe oku na owino yokuvhula omadilongo omunhu nokupukifa omunhu mondjila yaye oyo a li ngeno e na okweenda nayo. Nomolwaasho ame onda ka mona ashike eshi omatokolo ange a yulwa po ku SA noku mu

longela ehalo lenwefomo laye. Nongaha paafa ngaha ondi na eindilo la manamo kovakwashiwana voilonga ya SA.

Nondi na owino yoku shi tumbula ngaha paule nopouxupi kutya SA yee mwene oku na oshimaliwa she tu nyonaunapo filufilu. Mokati ketu ngee okuvamwe yoo vonhumba kwa li twa fiya po Namibia opo tu ka kondjele emanguluko ngee nee Ovanamibia yoo ava ve li meni lohilongo pamukalo wopaulandwambongo.

Natango onda didilika ngee SA ha yandje oimaliwa kufye ava hatu kwatwa opo u popye eepolopahanda nou yandje oipopiwa yomaminimi, to popifwa meeradio yo i shangwe moifo yopaveta da SA. Ashike moule wefimbo olo to popifwa ngaho omutwe woye kau li pamukalo ou wopashitwe.

Ndele oto popi u li ngomunhu winya a fa a pewa sha nowa dimbwifwa lelalela shi na sha nelalakano loye, tashi ti waamuka ko filufilu nomokupopya kwoye akushe ou na okukala to pameke esheko longudu yaSWAPO. Oilonga yomunyonena okuningila oshiwana ngaashi eeboma odo da longwa momadu e lili noku lili, aishe omanga oilonga oyo hai longifwa ku SA ye ta lundile ehanganano loSWAPO li kale li na omutyanaipaulotika osho yo komesho ovakwashiwana.

Eeno oshiwana shaNamibia osha hepekwa shili kenwefomo la SA, nouketuketu waye moku tu longifa. Nomekondjo letu vahapu vomOvanamibia otu na eudeko lixupi mokwitavela omaadi a SA nande kae na ekuta lomongula. Nomolwaashi ohandi pula SA a ha longife nande ouketuketu mehoololo lopashiwana moNamibia. Paushili woovene elalakano la SA mokulongifa ominyonena daye, okuxupipika oshiwana shaNamibia.

Ngaashi unene ha diinine kutya omuhoko wOvawambo oo uhapu unene navali oo omuhoko oo u na elalakano lokukufa ko oshipundi shaye moNamibia. Mwaaishe oyo, ame ondi li omukwashiwana shaNamibia, nondi li ndi he na ngee mokuyandja ehokololo lange eli paxupi nopaule nokutya Namibia otali manguluka



notatu ka pumdwa vali omaminimini nouketuketu u ka longifwe kovayambididi va SA ovo tave ke tu kala monguwi ngaashi elalakano laye e li longekida nale pamikalo donhumba nodongadi.

Omahepeko mahapu a lombwelwa ovakwashiwana ohandi a dimbulukwa nonde a koneka, ashike Ovanamibia vakwetu, otu na okweeta po sha momadilongo omoule mawa. Ndele hatu kendabala vali okupaafana ombili. Osho yo ava ve li natango menwefomo la SA opo ve mu longele oilonga yaye yomonguwi, ohandi pula nefimaneko opo mwefe po oilonga ya tya ngaho pamwe naame.

Nohandi mu pula nefimaneko opo yoo mu holoke koshipala shovakwashiwana nye mu va patululile mitima deni nope he na ouketuketu washa, opo tu tungeni Namibia paitavelo loukumwe nondjila yuuka.

Lidilulula Angala Ombalantu

UUTONDWE WA SA WA PONYO

Sho lya li 12 Juni inamu li uva akweenda, nenge inamu li mona sho lya tumbu muAngola lya silukile moNamibia, oye tu etele shike? Oomboka SA a tile oya pwa po okusa, anuwa e ya mana po thilu. Nena oya zi peni? Woo!SA okwa ti oye na ooniga nomishila yo ohaa shakumine ya fa ombwa. Oye na oluhepo yo oya sa ondjala. Osho tuu mwa mono shigwana?

Ngame inandi tsa oontanga ndi telekele oshikulo oshipilili, onda teleke owala oshimbombo, shikulo ta li noonyala. Oku li ngaashi a yile. SA uuto-ndwe woye wa ponyo, shikulo ke li ngaashi wa popi. Shigwana, pwa li ihapu pu, Okassinga ke tu thigile po niiponokela kwaAngola.

Shigwana tu lileni nokugalikana twaa na ezimbuko, tse tu ligoleni tu neni ombili tayi zi pombanda kuTate, oshoka natango moshigwana shetu omu na omayoka ngoka ge li natango moNamibia Tage enditha oompadhi inaga hala ga ye komakwawo ge ke endithe omala.

M.Imene Elombe


Dha za kep. 6

okudheminathana po, okuhangana nokutunga oshigwana mombepo yuukumwe tau pangelwa kohole.

Melalakano ndika Ongeleki yaELCIN oya li ya utha oshipalanyolo shomumvo 1987; shi kale: Taambathaneni ano, ngaashi Kristus e mu taamba okusimaneka Kalunga. Rom. 15:7. Melalakano ndika, Ongeleki yaELCIN oya longo omumvo aguhe. nokuuvitha etaambathano nedheminathanopo pashipalanyolo shoka. Euvitho lyedheminathanopo oshinima shoshili nolyopaKalunga, shimpa ashike kehe gumwe ta zimine kumukwawo, kutya eeno, osho nda li nde ku ningi shoka. Mpoka apeke Namibia tali kala li na onakuyiwa ya shilipalekwa pambili.

Sebulon Ekanjo

**AUALA ELCIN LIBRARY
ETSEYITHO**



OSHIWIKE SHESILOHENDA

Amuhe mboka mwa thitha omambo kObiblio ihe omwa dhimbwa oku ga galula e tamu lile Obiblio ongunga ndjoka yi li oosenda 50c koshiwike kehe, galuleni omambo ngoka moshiwike oshitine shaAguste, 21-25.8.1989 ne itamu ka pumbwa okufuta egeelo lyokutokelwa!

Ompito oyi li po moshiwike shoka shimwe ashike! Miiwike yilwe otamu futu ongunga ayihe. Inamu tokekwa ano!

Omunabiblio

We are the Champions



**Meat and polony products
for energy and strength**



CHAMPION

PRODUCED BY HARTLIEF

ADFACTORY WINDHOEK

Mbaka ya kala mondholongo oye li tuu peni?

OMAHALA GETOPOLO LYIHKULYA KAAGALUKI

UUKWANYAMA

KAVANGO

RUFUS AMUKUHU (44) Nakayale 18.9.1978
SIMEON AMWIIMBI (75), Onankali 12.1987
ERASTUS NDEIFEKA (48) Nakayale 18.9.1978
FESTUS ADOLF, Kongo 9.7.1988
FESTUS SAMUEL, Kongo 2.1988
MIKKA GEORGE, Windhoek 26.10.1988
PAULUS HAFENI (20) Onanghwe 16.12.1980
NDILIMEKE ALUTENI, Oukwanyama 7.8.1988
NATANAEL NGHINAMWAAMI ?? ??
(N) JASON ILEKA (15) Tshandi 14.7.1988

MUTUMBULWA AMUKUHU (38) Nakayale 9.1978
FESTUS NAKAWA (56) Ontananga 10.1978
JOHN NAKAWA (50) Oniipa 31.5.1979
DAVID HAMUTETA, Okatana 13.10.1979
VILHO MATEUS NYAMBALI ?? 25.7.1980
MARCELLINUS IIPINGE (35) Okatana 4.10.1980
MODESTUS IIPINGE (30) Okatana 4.10.1980
ANDREAS KASHIKOLA, Elombe 27.11.1980
HAFENI SH. PAULUS, OHAUKELO 15.12.1980
FRANS KASHIPALEKWA, OHAUKELO 15.12.1980
JACOB P. SHIVUTE, ELIM ?8.1988

TEOFILUS MATEUS, Elombe 27.11.1980
FILEMON KASITA IIKELA (43), Oniipa 19.1.1981
KRISTOF IYAMBO SHIKONGO Ekamba 10.4.1981
SIMEON JOHANNES NEHOYA (40) Onyaanya 6.1981
AMUTENYA JOHANNES ASHIPALA Okatana 29.6.1981
MARKUS PAULUS, Oniipa 4.9.1985
RUBEN EDMUND, Eendobe 28.11.1986
ABNER SHIKESHO, Onimwandi 3.7.1987
AFUNDE NGHYOLWA, Oshikuku 4.9.1987
FILIPPUS GIDEON, Ondonga 26.10.1987
KALEB PAULUS SHIKALE, Onawa 21.1.1977
LINUS MATONGO, Caprivi 1.1988
SIMEON NEHOYA, Omuntele 1979

Otandi pandula Kalunga shona a aludha ndje muwehame, kanda li ndi shi shi ngele otandi aluka, ihe Kalunga okwa kwatha ndje e tandi aluka. Ngashingeyi otandi vulu okwiinyenga.

Otandi pandula wo mboka mwa kala nokupa ndje eyakulo moshipangelo shaVenduka. Kalunga ne mu pe ookondo miilonga yeni. Onde mu pandula nomwenyo aguhe.

Lydia Humbateni Julius Sakeus
Windhoek

SHETEKELA SHININGENI (24) Windhoek 11.7.1988
MARIA SHOONGELENI, (24) Oshakati ???
TYLVES KAHIMA ?? ??
HILJA KAULUMA, Oukwanyama 7.8.1988
JONAS KEMANYA, Oshakati 9.10.1988
JIMMY KWALA, ??? ???
FRACO (MANUVWALI) SHANINGWA Ombalantu 7.1988
MATIAS JOSEF, Omungwelume 5.8.1988
OSKAR MUHONGO NAIENGE, ??? ???
SADRATH MUPANDI, Omadano 10.4.1988
AINA NANGOMBE AMUNYELA, ??? ???
HENRY NGHEDE, Windhoek 29.1.1988
PAULUS NGHIPUNYA, Ohausholo 1.1988
PETRUS PAULUS (28), Ondangwa 10.3.1985
JOHANNES PROTASIVS ??? ???
KAMBATHA SHEYA, Windhoek 26.10.1988
ANNA SHIKONGO, Oshakati ???
PAULUS SHILULE, Omuulukila 20.1.1988
TOIVO SHILONGO, OKAHAO 5.5.1980

IMMANUEL KAMBANDA ??? 1979
NEEMA LASARUS ??? 1979
SAKARIA AKWAAKE (17) Onayena 1979
IMMANUEL HATUTALE (37) Ongenga 1.8.1987

Ndhindhilika: Ngoka wa tseyia gumwe gwaantu mbaka, kutya okwa manguluka, onawa u tseyithile ombelewa yOmukwetu mbala. Tangi kekwa.

Eenhana
Endola
Engela
Kongo
Odibo
Onandjaba
Okambebe
Okatope
Olupandu
Omundaungilo
Ondobe
Onekwaya
Ongenga
Ongwediva
Onhelewa

Andava
Mpungu
Mupini
Nkurenkuru
Nyangana
Rundu
Rupara
Sambiu
Tondoro

YA MANGULULWA OMASIKU NGAKA KU SA

Akweenda Martin
Angula Frans
Ankome Desiderius
Ankome Norbert
Heita Andreas Johnny
Hingashipwa Jonas
Jason Teofilus
Kashilulu Vilho
Kateka Markus
Mateus Gabriel
Mbonge Silas Naftali
Mundjindi Sam
Mwaala Angula
Nangolo Johannes
Ndapuka Gabriel
Nghifikwa Stephanus
Ngitewa Veikko Paulus
Paulus Salomon
Sakaria Josef
Shikongo Bernadinus Petrus
Shoombe Eliakim
Simasiku Salwinda Evans
Uutoni Napoleon Erastus
naVilho Andreas

Toolitha ndje ko

*Onda kanitha oongombe heyali,
oonkiintu niano noondumentu mbali.
Omalwaala gadho ondema ontokele,
onduudhe komutse yomakutsi gomakumbo.
Koondungu dhomakutsi gu ululwa;
onzinzi osizi yomakutsi inaaga tetwa
noonkwawo dhomakutsi ga tetwa
omunwe. Odha kanene 15.11.1988 lwo-
Kiino egongalo Onyaanya.*

*Toolithii ndje ko aakwashigwana aaholike.
Tamu tseyithile Mateus Kapenda
Omunyele, Oshigambo.*

Mateus Kapenda
Oshigambo

Konakonitha omeho goye manga kuyele

*Okapangelo komakende oka patuluka nale 15.6.1989 pOmwandi
gwaKamanya, muuninginino.*

OMATHIMBO: Oke eguluka okuza Omaandaha sigo Etitano,
OTUNDI: 8:00 sigo 5.00 komatango
Olyomakaya: 8:00 sigo 12.00 pomutenya.

*Ila ano u konakonithe omeho goye, ngoye wi imonene omakende
manga omeho goye inaaga yonuka.*

*Tseyitha wo ehologo lyoye pangodhi konomola 298, Ondangwa
nenge popepi naToni Banana, Ondangwa.*

OMUKWETU

Oye oshifo shOngeleki Onkwaevangeli paLuther yomu SWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R8,00 komumvo.

Pondje yaNamibia na SA R20,00 komumvo. Ndjika oyo wo ondando yoshifo shomondhila.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa 9000, N A M I B I A.

ELOC PRINTING PRESS
PRIVATE BAG 2013, TEL. (06762) 11, TELEX 56-3257 WK
SWA/NAMIBIA